

Trepsdrellisch!

*Feld on Wiss' sein abgesoffe
Rähn; dä brengt vill Ongemach!
Jetzt könne mir nur noch hoffe -
off dä Siuweschläwerdaach.*

*Wenn dä ons am Samsdaachmorje
met em Sonnestrahl begreeßt,
sein mir loß die Räjesorje,
weil et dann jo net mie geeßt.*

*Dann fällt och dä Wasserspeejel,
siwwe Woche bleibt et scheen!
Datt verspricht die Bauere-Reejele,
abwaarte - mir wiere sehn. -*

*Schlemmer därf et net mie wiere,
zodämm es dä Summer jetzt
och schuns paar Daach am regiere -
trepsdrellisch - on kain Mensch schwetzt.*

*„Bei der Näß zeecht mer Schimmel“
säht dä Schängel zo dämm Liß.
Datt scheckt en Wonsch zomm Himmel
met seiner Rewolwerschniß:*

*„Petrus, alles es am stocke
mach en Stoppe off dein Geeß,
loß dä 27. trocke
sonst hammer nur noch nasse Feeß“!*
Katharina Schaaf

24.6.84 Kath. Schaaf